

Ո Ր Ո Շ ՈՒ Մ թիվ-176
վարչական տույժ նշանակելու մասին

«31» օգոստոսի 2020թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա.Մնացականյան, ուսումնասիրելով ՀՀ ՅՈՒՆԻՓՈՒԼ-ը՝ ՍՊ ընկերության մաքսային ձևակերպումներ իրականացրած Գոհար Փափագյանի վերաբերյալ նյութերը.

Պ Ա Ր Զ Ե Ց Ի՝

ՀՀ ՊԵԿ հետբացթողումային հսկողության վարչության աշխատակիցները, ղեկավարվելով Եվրասիական տնտեսական միության մաքսային օրենսգրքի 333-րդ և «Մաքսային կարգավորման մասին» ՀՀ օրենքի 133-րդ հոդվածներով, իրականացրել են արտագնա մաքսային ստուգում ՀՀ ՅՈՒՆԻՓՈՒԼ-ը՝ ՍՊ ընկերությունում և հայտնաբերել, որ ՀՀ ՅՈՒՆԻՓՈՒԼ-ը՝ ՍՊԸ-ն մի շարք ապրանքային հայտարարագրերով՝ «Բացթողում ներքին սպառման համար» մաքսային ընթացակարգով, ՀՀ է ներմուծել և ԵԱՏՄ ԱՏԳ ԱԱ 8421 21 000 9 (մաքսատուրքի դրույքաչափը 2017թ.՝ 0%, 2018թ.՝ 0%, 2019թ.՝ 0%, 2020 ԵԱՏՄ միասնական դրույքաչափ 0%) ծածկագրով հայտարարագրել է ՀՀ Լոռվա մարզի ջրի զտման և մաքրման սարքեր>>: Համաձայն ԵԱՏՄ ԱՏԳ ԱԱ մեկնաբանման հիմնական կանոնների ԵԱՏՄ ԱՏԳ ԱԱ 8421 21 000 9 ծածկագրով ենթակա են հայտարարագրման՝ ՀՀ ընկերության, զտման և մաքրման սարքեր>> ապրանքները:

Արտագնա մաքսային ստուգման ժամանակ կատարված ուսումնասիրությունից և ընկերության կողմից ապրանքների տեխնիկական նկարագրության և կառուցվածքի վերաբերյալ ներկայացված փաստաթղթերից, պարզվել է, որ վերը նշված սարքերը իրենցից ներկայացնում են՝ էլեկտրական սարքեր՝ ներկառուցված էլ. շարժիչով, լողավազանի պատերը և հատակը մաքրելու համար (մինչև 1500 վատտ հզորությամբ և մինչև 20լ աղբի հավաքման տարրայով) որոնք ենթակա են դասակարգման ԵԱՏՄ ԱՏԳ ԱԱ 8508 11 000 0 ծածկագրով (մաքսատուրքի դրույքաչափերը 2017թ.՝ 5% 2018թ.՝ 5%, 2019թ.՝ 5%, 2020 ԵԱՏՄ միասնական դրույքաչափ 5%):

ՀՀ Փորձագիտական Կենտրոն ՊՈԱԿ-ից ստացվել է 06.07.2020թ. թիվ 16062010 փորձագետի եզրակացությունը, համաձայն որի խնդրո առարկա ապրանքները իրենցից ներկայացնում են լողավազան մաքրող ավտոմատ էլ.սարքեր, որոնք նախատեսված են ջրով լցված լողավազանի հատակը և պատերը հավասարապես ու արդյունավետ մաքրելու/ներքաշելու/ համար՝ տարատեսակ աղբանյութերից:

ՀՀ ՊԵԿ մաքսային հսկողության վարչության 13.07.2020թ. թիվ ԱԴՈ-20-000067 որոշման համաձայն էլեկտրական սարքերը՝ ներկառուցված էլ. շարժիչով, լողավազանի պատերը և հատակը մաքրելու համար (մինչև 1500 վատտ հզորությամբ և մինչև 20լ աղբի հավաքման տարրայով) ենթակա են դասակարգման ԵԱՏՄ ԱՏԳ ԱԱ 8508 11 000 0 ծածկագրով:

ՀՀ ՊԵԿ հետբացթողումային հսկողության վարչության կողմից 15.07.2020թ. կազմվել է թիվ 0041-Ա արտագնա մաքսային ստուգման ակտը, որը կից նյութերով՝ 17.07.2020թ. թիվ Ն/9-2/111033-2020 գրությամբ ուղարկվել է ՀՀ ՊԵԿ իրավաբանական վարչություն:

Քանի որ մաքսային մարմին ներկայացված մաքսային հայտարարագրում ոչ ճշգրիտ տեղեկություններ նշելու հետևանքով ՀՀ ՅՈՒՆԻՓՈՒԼ-ը՝ ՍՊ ընկերության կողմից պակաս հաշվարկված մաքսային վճարները գերազանցել են «Նվազագույն աշխատավարձի մասին» ՀՀ օրենքի 3-րդ հոդվածով նախատեսված չորսհազարապատիկի չափը, այսինքն՝ առկա են եղել ՀՀ քրեական օրենսգրքի 205-րդ հոդվածի 1-ին մասով նախատեսված հանցագործության

ատկանիշներ, ուստի, ղեկավարվելով «Վարչական իրավախախտումների վերաբերյալ» ՀՀ օրենսգրքի 253-րդ հոդվածով, 2020 թվականի հուլիսի 22-ի գրությամբ <<ՅՈՒՆԻՓՈՒԼ>> ՍՊ ընկերության վերաբերյալ նյութերը ուղարկվել են ՀՀ ՊԵԿ հետաքննության և օպերատիվ հետախուզության վարչություն:

2020 թվականի հուլիսի 31-ին <<ՅՈՒՆԻՓՈՒԼ>> ՍՊ ընկերության վերաբերյալ նախապատրաստված նյութերով կայացվել է քրեական գործի հարուցումը մերժելու մասին որոշումը, իսկ նախապատրաստված նյութերն ուղարկվել են ՀՀ ՊԵԿ իրավաբանական վարչություն:

Նյութերի ուսումնասիրությամբ պարզվել է, որ <<ՅՈՒՆԻՓՈՒԼ>> ՍՊ ընկերության անունից թիվ 0510010/150817/0014775, թիվ 05100010/270418/0020125, թիվ 05100010/191218/0086061, թիվ 05100010/140619/0050776 ապրանքային հայտարարագրերը լրացրել է Գոհար Փափագյանը:

2020 թվականի օգոստոսի 6-ին ՀՀ ՊԵԿ իրավաբանական վարչությունում Գոհար Փափագյանի նկատմամբ ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության հատկանիշներով կազմվել է մաքսային կանոնների խախտման վերաբերյալ արձանագրություն, որի մեկ օրինակն ուղարկվել է նրան:

ԵԱՏՄ մաքսային օրենսգրքի (այսուհետ՝ Օրենսգիրք) 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով: Մաքսային հայտարարագրումն իրականացվում է գրավոր և (կամ) էլեկտրոնային եղանակով: ԵԱՏՄ մաքսային օրենսգրքի 105-րդ հոդվածի համաձայն՝ մաքսային ընթացակարգերով ձևակերպելիս, բացառությամբ «մաքսային տարանցում» մաքսային ընթացակարգի, մաքսային մարմին է ներկայացվում ապրանքների մասին հայտարարագիր: ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: Սույն հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ նաև ապրանքների մասին, որոնց մեջ ի թիվս այլոց նշվում է անվանումը, նկարագրությանը, որն անհրաժեշտ է այն մաքսային վճարների, հատուկ, հակազնազցման, փոխհատուցման տուրքերի և այլ վճարների հաշվարկման և գանձման համար, ապրանքների ծածկագիրը՝ Արտաքին տնտեսական գործունեության ապրանքային անվանացանկին համապատասխան:

Օրենսգրքի 20-րդ հոդվածի 1-ին և 4-րդ մասերի համաձայն՝ հայտարարատուն և այլ անձինք ապրանքների դասակարգումն իրականացնում են ԱՏԳ ԱԱ-ին համապատասխան՝ մաքսային հայտարարագրման ժամանակ և այն դեպքերում, երբ մաքսային կարգավորման ոլորտի միջազգային պայմանագրերի ու ակտերի համաձայն, մաքսային մարմին են հայտնում ապրանքի ծածկագիրը՝ Արտաքին տնտեսական գործունեության ապրանքային անվանացանկին համապատասխան: Առևտրային, տրանսպորտային (փոխադրման) և (կամ) այլ փաստաթղթերում, ինչպես նաև եզրակացություններում, տեղեկանքներում, փորձագիտական հիմնարկների կողմից տրվող փորձաքննության արձանագրություններում նշված ապրանքների ծածկագրերը պարտադիր չեն ապրանքների դասակարգման համար:

ԵԱՏՄ մաքսային օրենսգրքի 2-րդ հոդվածի 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ, իսկ 35-րդ կետի համաձայն մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված

աքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

Օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում հայտագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները, իսկ 3-րդ կետի համաձայն հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

Ելնելով վերոնշյալից՝ Գոհար Փափագյանը պարտավոր էր իրականացնել մատակարար ընկերության կողմից ձեռք բերված <<լողավազանի ջրի գտման և մաքրման սարքեր>> և <<հեղուկների, գտման և մաքրման սարքեր>> ապրանքների նկարագրությունների ուսումնասիրում և փաստացի ԵԱՏՄ ԱՏԳ ԱԱ 8508 11 000 0 ծածկագրով հայտարարագրում:

<< մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

<< մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, առաջացնում է տուգանք՝ այդ մաքսային վճարների 50 տոկոսի չափով:

<< մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

<< մաքսային օրենսգրքի 205-րդ հոդվածի համաձայն՝ մաքսային կանոնների խախտման վերաբերյալ գործերի վարույթը կարգավորվում է 38-րդ գլխով և Վարչական իրավախախտումների վերաբերյալ Հայաստանի Հանրապետության օրենսգրքի սույն գլխին չհակասող մասով:

«Վարչական իրավախախտումների վերաբերյալ» << օրենսգրքի 37-րդ հոդվածի 3-րդ պարբերության համաձայն՝ մաքսային կանոնների խախտման վերաբերյալ գործերով վարչական տույժը կարող է նշանակվել իրավախախտումը հայտնաբերվելու օրվանից երկու ամսվա ընթացքում, սակայն ոչ ուշ, քան իրավախախտումը կատարվելու օրվանից 3 տարվա ընթացքում:

ՀՀ ՎԻՎ օրենսգրքի 247-րդ հոդվածի 1-ին մասի 7-ին կետի համաձայն՝ վարչական որավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման հետևյալ հանգամանքների առկայության դեպքում՝ վարչական իրավախախտման վերաբերյալ գործի քննության պահին սույն օրենսգրքի 37 հոդվածով նախատեսված ժամկետներն անցնելը:

Վերոշարադրյալ նորմերի համադրված վերլուծությունից ակնհայտ է, որ իրավախախտման կատարման պահից անցել է 3 տարի օրենքով նախատեսված ժամկետը, քանի որ թիվ 0510010/150817/0014775 Ա/Հ-ն լրացվել է 2017 թվականի օգոստոսի 15-ին և 2020 թվականի օգոստոսի 17-ին վարչական պատասխանատվություն ենթարկելու եռամյա ժամկետն ավարտվել է:

<<ՅՈՒՆԻՓՈՒԼ>> ՍՊ ընկերության մաքսային ձևակերպումներ իրականացրած Գոհար Փափագյանը 28.08.2020թ. ծանուցագրով 2020 թվականի օգոստոսի 31-ին հրավիրվել է գործի քննությանը՝ միաժամանակ նախագուշացվելով, որ ՀՀ մաքսային օրենսգրքի 219-րդ հոդվածի համաձայն՝ չներկայանալու դեպքում վարչական գործի քննությունը կիրականացվի առանց իր մասնակցության: Սակայն վերջինս գործի քննությանը չի ներկայացել, առարկություններ, դիտողություններ չի ներկայացրել:

Այսպիսով, նյութերով պարզվել է, որ ՀՀ-ում գործող <<ՅՈՒՆԻՓՈՒԼ>> ՍՊ ընկերության անվամբ ՀՀ ներմուծված և փաստացի ԵԱՏՄ ԱՏԳ ԱԱ 8508 11 000 0 ծածկագրի տակ դասակարգվող ապրանքները՝ <<ՅՈՒՆԻՓՈՒԼ>> ՍՊ ընկերության մաքսային ձևակերպումներ իրականացրած Գոհար Փափագյանը մի շարք ապրանքային հայտարարագրերով հայտարարագրել է ոչ ճիշտ ԵԱՏՄ ԱՏԳ ԱԱ 8421 21 000 9 ծածկագրով, ինչի հետևանքով առաջացել են 1950737 ՀՀ դրամի չափով պակաս հաշվարկված մաքսային վճարներ, այսինքն՝ Գոհար Փափագյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ նախատեսված մաքսային կանոնների խախտում թիվ 05100010/270418/0020125, թիվ 05100010/191218/0086061, թիվ 05100010/140619/0050776 ապրանքային հայտարարագրերով պակաս վճարված մաքսային վճարների մասով, ինչը հիմնավորվում է 06.08.2020թ.-ին կազմված մաքսային կանոնների խախտման արձանագրությամբ, 15.07.2020թ. ՀՀ ՊԵԿ հետքացթողումային հսկողության վարչության կողմից կայացված արտագնա մաքսային ստուգման թիվ 0041-Ա ակտով, 13.07.2020թ. թիվ ԱԴՈ-20-000067 որոշմամբ, թիվ 0510010/150817/0014775, թիվ 05100010/270418/0020125, թիվ 05100010/191218/0086061, թիվ 05100010/140619/0050776 ապրանքային հայտարարագրերով, 31.07.2020թ. քրեական գործի հարուցումը մերժելու մասին որոշմամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ, 206-րդ և 221-րդ հոդվածներով, ՀՀ ՎԻՎ օրենսգրքի 37-րդ հոդվածի 2-րդ մասով և 247-րդ հոդվածի 1-ին մասի 7-ին կետով,

Ո Ր Ո Շ Ե Ց Ի՝

1. <<ՅՈՒՆԻՓՈՒԼ>> ՍՊ ընկերության հայտարարատու Գոհար Փափագյանին (ծնված՝ 03.10.1987թ., բնակվող՝ ՀՀ, Երևան, Արաբկիր, Կիևյան փ 4/2 8, անձնագիր AG0274896) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և նրան ստուգանել թիվ 05100010/270418/0020125, թիվ 05100010/191218/0086061, թիվ 05100010/140619/0050776 ապրանքային հայտարարագրերով պակաս հաշվարկված մաքսային վճարների 50 տոկոսի չափով՝ 892723 ՀՀ դրամ:


/վճարումը 900005024055 հաշվեհամարին/:

2. Գոհար Փափագյանի նկատմամբ թիվ 0510010/150817/0014775 ապրանքային հայտարարագրով պակաս վճարված մաքսային վճարների մասով սկսված վարչական գործի

վարույթը կարճել՝ 37-րդ հոդվածով նախատեսված ժամկետներն անցնելու պատճառաբանությամբ:

3. Որոշման մասին հայտնել Գոհար Փափազյանին՝ պարզաբանելով, որ ՀՀ մաքսային օրենսգրքի 221-րդ հոդվածի համաձայն՝ որոշումն ուժի մեջ է մտնում կայացման պահից և վարչարարության հիմունքների և վարչական վարույթի մասին ՀՀ օրենքի 71 հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքի 72-րդ հոդվածի 1-ին մասին 1-ին կետի համաձայն՝ 2 ամսվա ընթացքում ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ